

李光榮至沙嶺圍解

丙戌朝鮮國王李瑄奏建虜通臣書臣令邊臣隨意答之彼國號後金而答云建虜彼自稱可汗而答云馬法仍待以番禮開陳福禍省諭逆順彼見恨欲即攻我 上勅慰之

庚寅夜月貫房宿犯心中星

乙未虜千騎犯花嶺山城守將尤世功周守廉不出擊恣掠

壬寅始補使臣勅

六月丁未朔經略熊廷弼以四百騎歷撫順清河探邊經歷程
崙止之不納

戊申熊廷弼奏建虜自稱後金可汗傳檄招降 上詔中外

曰建虜橫肆詬侮朕切憤恨中外當事諸臣尚屬同仇之義

協力天心亟圖殄滅以雪國耻毋怠緩以自甘慘辱

辛亥周嘉謨為吏部尚書

癸丑初 祝耀祖募兵于順德永平河間保定御史

王象恒副之至是象恒言募兵何歸兵部覆所募隨宜酌用

從之


丁巳夜月犯心前星

諭勅朝鮮助剿建虜

國權

萬曆四十八年

八



庚申熊廷弼歷鳳凰城而還

辛酉建虜乘經略閱邊以三萬騎自撫順關東州堡分道深入渾河熊廷弼令總兵賀世賢柴國柱設防瀋陽多有斬獲敵始退廷弼以力兵稍集宜從瀋陽而前漸迫敵巢而建虜方誘群胡窺河西且釋宰賽以招徠諸部傳檄招降詎侮無等廷弼奏且巡性剛所言皆閔危疆利害大聲疾呼請兵請餉不無動色言路利之廷弼不為下動見抵牾轉成乖戾以至廟議聚訟不休云

尚寶司少卿劉時俊議提一旅由鴨綠江入駐義州并練朝

鮮兵為遼東犄角綴建虜後朝議避之兵部尚書黃嘉善以書詢熊廷弼有李雄虬髯之喻部覆時俊開府瀋陽

曰遼瀋相去幾何乃兩開府乎遠寢其說識者頗以為惜之


庚午建虜畏遼瀋之戍乃旁掠山城克花嶺許毛子山等寨

辛未靖夷營李懷信搃兵官疾去

七月戊寅夜保靖宣慰使彭象乾至通州而疾部兵三千人逃已卯發戶部三十萬金勞遼東吏卒

辛巳熊廷弼劾免兵部贖畫主國劉國縉

南戶部主事牛維曜為遼東監軍道僉事



壬午時推用閣臣史繼偕沈澶或言之繼偕因不下于是御史薛貞再請枚卜

夜月犯心前星

癸未巡撫遼東周永春憂去

甲申命皇太子才人王氏祔葬郭妃園

乙酉遼東旱巡按御史陳王庭乞海運接濟


建虜分犯遼陽奉集堡柴國柱以二百人屯奉集賀世賢以三百人屯瀋陽敵乃旁掠屯堡殺略人畜于是靖夷營游擊祖天壽千搃于文魁撫順所游擊周守廉各下臺訊

丙戌協理京營兵部尚書黃克纘進太子少保

戊子上 孝端皇后尊謚

光祿少卿沈敬炳為右副都御史巡撫雲南兼建昌畢節贊理軍務

壬辰方從哲率廷臣入思善門問疾久之司禮監諭各退初上不豫皇太子未得見御史左光斗等請從哲請候安從哲曰上諱疾即入問左右不敢傳兵科都給事中楊運曰昔宋文潞公問仁宗疾內侍不肯言潞公曰天子起居汝曹不令宰相知將無他志下中書省行法令誠日三問不必見



亦不必 上知第令內廷知大臣在門且公當宿閣中從哲
曰非故事潞公不訶吏志聰乎此何時也尚問故事


甲午召英國公張維賢大學士方從哲吏部尚書周嘉謨戶
部李汝華兵部黃嘉善戎政黃克纘署刑部事總督倉場尚
書張問達禮部署事右侍郎孫如游等入弘德殿 上御榻
整冠被袵勉諸臣勤職周嘉謨請補大僚臺省 上曰待朕
小愈黃嘉善言邊事 上倦不答諸臣遂出日旰 皇太子
尚待于門楊漣左光斗遣人語東宮伴讀曰 上疾甚不召
太子非 上意薄暮可還宮詰朝力請入侍嘗藥視膳即夜

毋輕出

丙申淮安地震

日初出有星如盤自西東流直犯入日中

上崩于弘德殿壽五十八遺命封皇貴妃鄭氏為后詔曰朕
以冲齡纘承大統君臨海內四十八載于茲享國最長夫復
何憾念朕嗣朕之初兢 代理期無負 先帝付託比緣多
病靜攝有年郊廟弗躬朝講希御封章多滯僚案半空加以
礦稅繁興徵調四出民生日蹙邊衅漸開夙夜思維不勝追
悔方圖改轍嘉與天下維新而遘疾彌留殆不可起蓋愆補



過允賴後人 皇太子聰明仁孝睿德夙成且嗣皇帝位尚
期脩身勤政親賢納諫以永鴻圖 皇長孫宜及時冊立瑞
王惠王桂王各擇善地令早就藩封大小臣工務協恭和衷
輔理嗣君保乂王室是皆朕憐之至意也內閣輔臣亟為
簡任卿貳大僚盡行推補兩次考選并散館科道官俱應授
職建言廢棄及礦稅註誤諸臣酌量起用一切權稅并新造
織造燒造等項悉皆停止各監犯俱送法司審釋東師闕餉
且多發內帑以助軍需陣亡將士速加卹錄云 詔告天下
咸使聞知九月甲寅謚範天合道哲肅敬簡光文章武安仁


止孝顯皇帝號神宗

光宗契天崇道英睿恭純憲文景武淵仁懿孝貞皇帝御名
常洛

萬曆壬午八月十一日未時生母恭妃王氏

丁酉告 大行皇帝喪于奉先殿報訃宗室 皇太子令兵
部戒嚴護衛傳遺旨發內帑百萬金勞九邊吏卒

罷天下礦稅其稅監張燁馬堂胡賓潘相邱乘雲等俱召回
兵部尚書黃嘉善上言所輸本年七月已徵為限毋更以虧
額擾民從之




淮安南城樓雷火

諭閣臣以遺旨皇貴妃鄭氏進封皇后禮部右侍郎孫如游
上言臣詳考累朝典禮並無此例其以配而后者乃敵體之
經以妃而后者則從子之義歷代以來豈其無抱綢之愛而
終引去席之嫌此禮之所不載也 先帝念皇貴妃之勞苦
當不在無名之位號而 殿下體 先帝之心亦不在非分
之尊崇夫善繼善述須酌于義若義不可行則遵命非孝遵
禮為孝臣若不顧義禮曲徇意旨則又欺罔不忠臣不敢以
不忠事主尤仰冀 殿下以大孝自居也

免命婦哭臨并祭

命各藩遣官進香仍十日類進赴思善門如禮

巡按直隸御史易應昌上言今日事勢最亟者六顧募之不
必應、而復逃調之不必至、而復逃今天下之兵未可恃
也且甚急莫如餉天下無一年不早澇亦無一地不早澇淮
南之三十萬不苦于糧而苦于舡山東之六十萬苦于舡而并
苦于糧數千百之生靈試于風濤礁磧間國固有靈人誰無
怨今天下之食未足恃也 皇上所以有其民者有其心也
乃兵之逃者諜者飢民曠賊之不靖者無日不見告矣猶曰



有所激之也白蓮無為之教蟻聚蜂屯綠林亡命之雄鷓躑
虎視未敢深言不敢深慮天下之民心不可恃也今天下無
一可恃然則如之何惟任仁賢則政事自理然功非運掌宜
急民力之寬天不雨金孰應東方之困臣請以遠餉一年求
皇上之自捐此外仁賢共理民之見德必供臣奉命僭運見
天下情勢如此仰懇 皇上留神省覽時方升遐寢不報
夜丑刻白氣如匹練亘三丈餘自牛女歷軫翼而散
戊戌頒 大行皇帝遺詔于午門
以黃克纘為刑部尚書張問達為左都御史


御史房壯麗唐世濟並為大理寺丞

李瑾為太常少卿黃運泰為光祿少卿毛一公為尚寶司丞
奉遺旨起廢自此始

雲南道御史俞誨福建道御史楊州鶴起為湖廣山西左右
叅政

吏部文選郎中陸卿榮前文選郎中王三善為太常寺少卿
禮部精膳郎中楊作楫為江西右叅政主事夏嘉遇改南京
禮部

大學士方從哲入慰 皇太子于乾清宮請簡用閣臣從之



御史劉廷元巡撫順天張至發巡按應天張銓巡按遼東黃
彥士巡按河南河南舒榮巡按湖廣鄭宗周巡按福建劉都
有源巡按廣西聶紹昌巡按甘肅王槐秀巡按山東申廷謨
巡按兩閩郭如楚張潑張師孟巡監長蘆河東兩浙
戶科給事中李若珪河南道御史顧愷並巡視京營
御史萬宗德督餉遼東前御史陳宗契巡視南畿
遼東總兵李懷信疾免
故兵部右侍郎贈尚書詹監
發帑金百萬餉遼東 先帝以廣西稅金八萬五千命監軍

僉事牛維耀餉遼至是再發計部始安

延綏巡撫董國光奏鎮兵防秋除援遼入衛守墩外計吏卒
一萬三千八百七十七人除載砲輸糧京塘報外騎步一萬二
千九百五十九人自定邊營東至黃甫川邊袤一千九十里
有奇

通政使姚思仁言前遼東總兵李如柏如楨奏辦皆擅投會
極門乞申從之


禮部郎中須之彥改光祿寺丞

呂純如為光祿少卿王紹徽為通政使右叅議

國權

萬曆四十八年

十五



廢吉士暴謙貞韓繼思補吏科給事中舊考選惠世揚王刑
繼曾工科給事中王安舜補湖廣道御史姜習禮歐陽調律
陶宗道為南給事中習禮吏科調律崇道並為戶科
戶科都給事中官應震為太常少卿
經略熊以疾去求且言臣一死無益于遼而廢極重之廷弼
軍務朝廷亦何利于臣之一死因力求去自閔科出閔而議
論生遼事益難為遼陽人皆服其早見
禮部啟天下文武官進賀萬壽節許隨班行禮從之
禮部以二十三日光祿寺應具文武臣共一祭遲悞宜罰得


旨堂上官不得署官奪俸三月內臣陳進下司禮監

命釋輕囚

廣西巡撫陳邦瞻上言田州岑茂仁本岑猛罪孽肆虐屬邑
納上林縣土官黃德勛叛弟德隆叛子祚亂攻其城奪印掠
妻妾金帛以去事聞責狀茂仁庇之云德隆沒祚亂當繼法
宜致討第西粵憊極未可以師然隱急之或成尾大之勢乞
下部議許之

故吏部尚書趙煥補廕郎


順義王卜石鬼來貢市素囊未至搃督崔景榮奏曰款貢以



來十二部俱聽順義王之命迨卜石鬼嗣封威令不行于素
囊而素囊恃眾抗衡欲先得市賞仇恨日深按故事每貢市
我先有催貢之賞卜首得賞已至素首得賞未至中國之賞
不可再加而狡夷之情揣屬叵測自今慎必邊防貢之遲速
無問也素囊竟不至
壬寅鳳陽大雨淮水大上舟行于陸
癸卯欽天監擇八月朔午刻即位禮部上儀注
甲辰賜經略遼東兵部右侍郎熊廷弼總督文球巡撫周永
春金幣有差

飭禁門屯衛各門勇士營兵二千八百七十九人護衛京城
四門兵千二百四十八人護衛皇城六門
兵部尚書李汝華啟各邊兵八十六萬七千九百六十四人
宜分別給賞近發帑百萬及今發三十萬又前三十萬共百
六十萬議犒六之賞四之以遵詔旨報可

已巳募南京浙江兵入京師初部使募兵繼遣科道皆營差
自便騷動駟傳又京師誑稱某兵某餉當事不察輕奏
糜費初戎政尚書黃克纘請募南直沙兵及簡南京營兵浙
兵三千人赴京又募義烏四千人



復駙馬都尉王昂

浙直米貴閉糴遂晝掠

庚申泰昌元年

八月丙午朔

皇太子即皇帝位晨遣泰寧侯陳良弼恭順侯

汝胤等告天地宗廟社稷上親告先帝几筵易袞冕詣

文華殿告天地詣奉先殿告列祖再詣先帝孝端皇后

溫靖端肅皇貴妃各几筵出御文華殿命勿賀大赦天下詔

以明年為泰昌元年

丁未方從哲上言輔理之職非臣獨辦先帝欽點二臣亟

宜允用從之

命禮部左侍郎劉一燝釋奠大學

巡按直隸御史田生金言工部坐派應天徽寧廣德織幣三

萬二千九百匹歲造不預馬原無額編惟留工部各司料價


支之按價值鋪墊等銀三十二萬五百九十兩有奇節年存

庫及見徵料價止十六萬一千二百餘兩除初運外次運僅

十之二三後運不知安出也大抵一運之費非三年料價不

能供三運之需非三年蓄積不能辦除歲造例進外其改造

三運乞賜停止從之



福建道御史萬崇德請增海運兵備官如糧儲道住淮安下
部議

戊申命作皇極門殿 上隘文華殿也

吏科右給事中姚宗文為太常少卿

王佐為工部尚書汪應蛟為南戶部尚書李騰芳為少詹事
兼侍讀學士

兵科給事中楊漣言法祖四事曰脩身起居之間務慎曰勤
政召對之時宜多曰親賢枚卜不拘翰林曰納諫聽言不悌
官府皆法 高皇帝聖訓也

戶部尚書李汝華以山東巡撫王在晉題海運六十萬石欠
其半欲留解部銀夫京邊急需惟半糴可以通融今東省報
倉報倉穀七十餘萬請以其半糴四十八年加派該五十四
萬餘將二十萬餘漕海三十四萬餘收糴為明歲備度為兩
便從之

己酉祭太社太稷遣恭順侯吳汝胤

署工部尚書黃克纘請發帑二十萬作皇極殿從之


命史繼偕沈淮並為禮部尚書兼東閣大學士

起朱國祚南禮部尚書

國權

萬歷四十八年

十九



禮部右侍郎孫如游請立 皇太子命俟釋服兵科給事中
楊漣復言之報聞

禮部言十一日萬壽節宜免賀從之


工科給事中惠世揚劾御元劉廷元往者招呼邪類日事驅
除巡撫徐兆魁撫楚不職俱當斥 上留兆魁下廷元部議
須論定

專督遼餉戶部右侍郎李長庚議去歲海運初開几不能濟
今春贊理田時春天津道臣賈之鳳力開北岸較南岸可以
三運而各省各島風礁之險然海止七八月可行今止一月

半耳為時几何今回空准舡不下三百山海關積糧四十萬
石自南海口可徑達蓋套督臣留准舡十餘試之使臣以沙
舡五十餘聽督臣南海口用之此道一開則閔糧可達乞借
庫金百萬給臣為運糧天津召買料葺之資
庚戌賜宗藩金幣福王潞王各加三百金絲羅十雙紗十匹
鈔二萬貫

賚遼東鎮守總兵李光榮兵備道王化貞等金幣有差
廷試歲貢生

吏部請先補建言註誤諸臣餘俟採訪從之



鄒元標為大理卿李宗延為光祿少卿馮從吾為尚寶司卿
劉光復為光祿寺丞


前湖廣右叅議朱一桂為太僕少卿補前太僕少卿周曰屏
添註

陝西右布政使畢自嚴為太僕卿福建左布政使畢懋良為
太常少卿河南右布政王志遠改廣東左布政鴻臚寺丞展
自重為左少卿

林釭補翰林編脩

兵科給事中薛鳳翔上言內旨當慎閣臣票擬天語由中使


傳宣至假威竊勢干預政事及其久也遂不可抑亂由是階
望自今旨意務發閣臣隨覽隨頒庶無假借之患曰留中當
防夫臣子自面奏外惟憑章疏以上達柰何同一啟事或此
報彼遺望自今條奏務勤乙夜隨覽隨發庶無隔碍之患
吏科給事中周朝瑞上慎初三要略曰陛下新政用人發
帑撤稅可謂有初矣願天下鼓舞若更生者此初而陛下
朝乾夕惕歷百年如一日者亦在此初何以慎之夫明主求
賢必期得用言責者使盡其言官守者勿奪其守若縻以爵
祿繫其手足忠賢嘆展布之難而諛說求容反乘君心之愛



憎以營其私闢門謂何誠惕然于俊又彙征非易而思慎厥
初則信任要矣君之施澤如水之沃物一息不灌遂成枯槁
矧遠左索賦正急今日所發几何將無又處其窮宜留金花
不盡之餘省四庫無益之積更有不足佐以帑金務令吏卒
沾惠誓滅此寇不然散財謂何誠惕然于國家貨財本無內
外而思順其初則行仁要矣二十年來海內之苦權征如在
水火 陛下前撤稅使何異移爇于清涼痛思 先帝仁
明皆緣導自宵小貽禍人國往者勿論矣俟其赴闕即有隨
進金錢並宜勅發助餉至慮及于積習巧之難防而思慎

其初則斥遠嬖佞尤要之要矣 上覽之大怒

戶科給事中王繼曾上言 先帝遺詔以親賢納諫望 陛
下臣願 陛下將親賢納諫大書座右臨御不輟朝宰相不
離側諫官不停疎用行政視茲數日舉動臣愚幸甚不報
戶部言太倉歲入不過三百六七十萬九邊年例舊餉共三
百八九十萬而在文武俸祿庫局等項約四十萬不與焉自
建虜發難兵馬錢糧俱出創設加派原非得已但外解不之
諒任意遲緩而分用者又不諒任意圖便臣部不得已具題
會議而加派一百萬為兵部安家馬價又二十萬為工部器



械則分用亦各有數矣今按四十六年四月至今年七月共
餉遠八百三萬八千有奇近據新餉司呈稱援遠兵十八萬
除本色外餉銀二百二十七萬有奇馬十萬匹除青草月分
外銀五十四萬遠潘開缺額兵除領舊額外補新餉銀三十
萬以上約三百二十一萬有奇各衙門公費廩糧工食約
一萬有奇各道駝運約費百萬有奇各道召買糧料六十萬
共歲四用銀四百八十餘萬至于本色共十八萬馬十萬共
糧二百五萬二千石即遠左歲除本色外用銀凡五百萬關
內召買各及鎮調兵行糧鹽菜不在此論計所出如此即歲

得不嚴核也 上是之

夜流星大如盞色青白自騰蛇東入奎宿小二星隨之


辛亥命追尊生母 皇貴妃尊謚及祔葬

禮部言十一日萬壽節各藩表箋宜內收司禮監從之

御史王槐秀劾福建巡撫王士昌貪肆不檢宜罷斥不聽

御史張師益劾延綏巡撫董國光封疆失事湖廣巡撫徐兆

魁保奸養亂兵部尚書黃嘉善募兵聚散有若觀場乞正其



罪罷二府撫庶中外疎惕不報

鹿善繼補前戶部主事善繼前請金花銀五萬金濟遠謫
滿朝薦為南刑部郎中鍾羽正為太僕寺少卿饒卿為光祿
寺少卿

山西叅政余自強為江西按察使貴州布政使知事劉文炳
為尚寶司丞


壬子 大行皇帝陵曰定陵

方從哲上言 孝端皇后梓宮發引令 先帝梓宮在殯
皇后不宜先之請欽天監消吉奉 大行皇帝 孝端皇后

梓宮同時發引先期遷 聖母皇貴妃梓宮祔葬新陵然須
待 尊謚之後方可舉行從之

甘肅巡撫杜承式保定巡撫韓浚俱新推引疾去

御史郭如楚上言 聖明踐祚九徵雨潤矣然有初鮮終今
古同戒 陛下神聖固非唐宋中主所望然使圖史時親經
筵時御章奏時下則無倦勤之漸起居必慎嗜欲必嗇斧斤
必遠則無耗損之漸傳宣不輕威福不借頻笑不做則無壅
蔽之漸若補天浴日繩愆糾謬則相臣諫臣最重一切資格
門戶皆當蕩除惟求弼主濟時無負君國是擇相之當亟者



諫官雖卑與宰相等惟盟之幽獨同野渙群是立言所當亟
者也不報

御史張潑請責成言路略曰臣見臺省無事不爭始以爭繼
以逐終以株連禍結允讓論不合輒乘杙下石何操心至此
也臣有慨于中意刻覈之後不妨和平有一事如此我見為
可人見為不可必真見其不可堅而持之則爭何如暫置之
以俟自定有一人于此我見為賢人見為不肖必真見為不
肖強而辨之則爭何如姑需之以俟論平如前此攻王圖攻
李三才初何嘗不是但乘勝之過至于不能容人復至于不


能容則何益之有 上是之

癸丑諭閣臣以周朝瑞慎初三要停止金花銀瀆擾謫外方
從哲疏救不聽

設遷曰 貞皇始闢言路又時在諒閣因金花銀礮怒省
闈未必 貞皇意也內廷沿習非一日倚窟營便方踐祚
不及深察耳

御史黃彥士上言隆孝思攝聖躬脩輔導勤政事起廢才振
吏治謹闈寺嚴武備飭都會固邊防不報

御史舒榮都上言天下之事不過人與法而已如遼事初起



用楊鎬李如栢等非為戰也鄭之范一處察縣令耳黃緣入
遼聞其以虐佟鶴年致養性輸情于敵開原為陷劉國縉在
西臺之時不問其才若何起之贊畫糜餉十餘萬一朝逃脫
迄無異議不乘此時大加懲創洗積玩之人心何足雪耻除
兇乎臣以為刑賞黜陟可與天下共之而必不可使借之朝
廷威福之權快其喜怒愛憎之私臣子贛直可恕誣誤可原
而必不可使貪擾險詖之徒稍得遂其身家妻子之計 上
不報


南司業施鳳來編脩成基命為左中允編脩李光元為右中

允兼編脩

朝鮮國王李瑋遣叅判李春原賀 先帝壽節叅判金大得
賀千秋節其方物馬匹仍受之

甲寅萬壽節命陽武侯薛濂武定侯郭如麒懷寧侯孫承廕
撫寧侯朱國弼豐城侯李承祚豐潤伯曹以忠東寧伯焦嗣
爵祭各陵都指揮李承恩祭 景皇帝園

吏部言國本抗言得罪諸臣奉遺詔酌用沒者卹錄今列名
具奏王德完孟養浩鍾羽正姜應麟鄒德泳丁懋遜何士晉
孫如法沈璟雒于仁李瑄羅大統黃正賓李獻可舒弘緒張



棟葉初春吳之佳楊其休錢一本朱惟京賈名儒王如堅陳
尚象涂杰王學曾薛敷教張貞觀樊玉衡黎道炤謝廷讚楊
天氏

御史馮三元言永孝思善熙養勤講學容直言早諭教報聞
遼東旱飢戶部尚書李汝華言臣部再加派每年共卹止七
釐先因增兵加二釐今外解既稀遠餉難緩乞容臣咨各省
直以四十七年准今年七釐及兵工二釐解其見徵者從之
王德完益養浩楊東明並為太常寺少卿饒位為尚寶司卿
史益麟為南禮部祠祭主事劉元珍胡克儉何喬遠並為光

祿少卿

王紀為戶部尚書許弘綱為兵部尚書協理戎政袁應泰為
右僉都御史

前浙江道御史呂圖南為南通政司右叅議前程鄉典史林
材為尚寶司丞江西布政使檢校郭尚賓為南兵部武選司
主事故兵部職方主事桑學夔復官前廣西道御史史弼為
太僕少卿


釋宗人充鮒

工科給事中李若珪上言保聖躬定聖志開經筵慎枚卜

國權

萬歷四十八年

二十七



前陝西右布政李維楨為南太常寺卿尚寶司丞汪元極為
南司業

故兵部主事王為儉為光祿少卿前陝西左叅政楊述程湖
廣右布政蔡復一各補

山西故福山知縣朱國賢為工部主事

工部屯田主事糜有象刑部主事吳殿邦為通政左右叅議
南鴻臚寺卿余啟元改北

乙卯方從哲上言今日聞 皇上召醫診脈哀毀之餘少加
調理自抵萬安但十二日始御門視事明旦常朝惟 皇上


加意珍攝命御門如期常朝俟稍愈擇吉

兵部尚書黃嘉善言延緩兵調至昌平逝七百人命訊領將
袁大有仍補其額

四川左布政陳大道為順天府尹山西右布政閔志學為福
遷左布政

山西按察副使柯象為尚寶司卿故吏科左給事中程紹為
太常少卿前貴陽知府錢策為光祿少卿前尚寶司丞張迎
為少卿工部主事黃龍光為尚寶少卿

錦衣衛署衛事駱思恭言 祖宗朝設旗校十餘萬備法駕



萬歷初尚有二萬今止一萬有奇乞下部酌補命部議之
兵部尚書黃嘉善以遼東西平失事將官顧大訓宜奪李國
樛宜贖從之

丙辰御史鄭宗周請金花銀仍儲大倉應勘諸臣楊鎬李如
栢等明正典刑不報

御史張新詔劾文選郎中陸卿榮刑部主事徐大化河南巡
撫李養正言遼陽城不宜獨一經略章下部


丁巳吏部尚書周嘉謨申救周朝瑞不報
臨泚黃河清五日至辛酉日止

遼東經略熊廷弼上言月餉請本色七之折色三之寧使食
浮于銀

大學士方從哲候安

諭閣臣今早御門見有儀從大扇回至愆省居忽聽會極門
呵道聲命禁之

戊午御史史永安上言交濟之道人臣所自靖者有二曰嚴
章奏之體寧簡毋繁寧顯毋隱如陳事達其事而止論人備
其事而止俾萬幾之暇一覽無餘言路不永開乎曰矢獻替
之忱洗滌寸心滋培元氣不當言則瓶可守當言則鱗可批



大抵言期于宗社不必矜名節言期于國是不必附清流至
聖明在上御下之威宜霽兼收之益宜弘 上是之

諭內閣 皇長子幼弱明年先開講待禫服後冊立方從哲
言茲聖諭臣不勝驚愕故 祖宗朝冊立之期 英宗以

六歲 孝宗以二歲 武宗則才周歲未有年十六而名位

未正教諭未行者况禫服之制在民間則二十七月在朝廷
則僅二十七日禮部擇于九月九日其當允行無疑不報


白所知為太常少卿白瑜為光祿少卿王維儉為光祿寺丞
庚申兵科給事中魏應嘉言 先帝謚恭宗顯皇帝歷考恭

謚惟有東晉恭帝南宋恭宗當時光景不甚明言以至神至
聖之 先帝為臣子宜何如贊頌乃草舉事襲晚近之常
稱比易名之次等臣竊媿之

熊廷弼移鎮瀋陽復至奉集

辛酉 上不豫免朝方從哲請慎起居平喜怒又乞 皇長
子移慈寧宮擇內侍謹厚者事之時鄭貴妃尚在乾清宮進
侍姬八人 上疾始憊

兵科給事中署禮科事楊漣申明禮制曰朝廷嚴肅行會典
開朝之法曰君臣接見復午朝御門之儀曰諸臣經彈奏劾



宜劾如風聞誣指不妨昭雪或處或去毋概勉留曰章疏入
告務情曉暢言簡意盡不必累牘射覆積厭成玩不報

陳邦瞻為兵部右侍郎總督兩廣趙彥為右副都御史巡撫
山東呂北熊為右僉都御史巡撫陝西徐養性為右僉都御
史巡撫甘肅周懋相為右僉都御史巡撫寧夏李養正為戶
部右侍郎總督漕運


命百官脩省

張輔之為南大理卿洪衡文補大理右少卿前尚寶司卿許
維新政南兵部職方員外郎

壬辰禮部右侍郎孫如游擬 大行尊謚神宗範天合道哲
肅敦簡光文章武安仁止孝顯皇帝報可

方從哲以進封鄭貴妃之旨請藏內閣謂事出創聞例無可
據行之于今日不無越禮命之于 先帝疑于失言臣自奉
命之始尊藏閣中不必傳外庶朝廷無喻制之嫌臣下無顯
悖之跡

前新興典史涂喬遷為光祿寺丞前餘干典史姜應麟為太
僕少卿前貴陽通判夏燠為南工部主事故御史袁可立為
尚寶司丞



成國公朱純臣西寧侯宋光夏罷僉書先是萬曆己卯軍政
考選報竣獨 府僉書朱純臣宋光夏錦衣衛僉書陳胤徵
李如楨南鎮撫司楊宗吾北鎮撫司理刑千戶陸達糾劾伍
年不下以黃克纘申奏從之
楊鎬李如栢論死

癸亥命前禮部左侍郎何宗彥右侍郎劉一燝韓爌並進禮
部尚書兼東閣大學士

范世濟李奇珍為吏戶科都給事中楊道寅吏科薛鳳翔戶
科李若珪禮科楊漣兵科魏應嘉刑科蔡思克工科並左給

事中帝蕃吏科張國祥戶科周希令禮科曾汝召兵科暴謙
貞刑科惠世揚並給事中

臧爾勸為戶部右侍郎喬應甲為南太常少卿前文選郎中

楊材為南太常少卿起王霖戶部主事

朱燮光為四川左布政使


甲子上 大行皇后尊謚為孝端貞恪萌惠仁明婉天毓聖
顯皇后 皇貴妃為孝靖溫懿敬讓貞慈參天胤聖皇太后
方從哲薦南禮部尚書朱國祚及舊補葉向高入直

命建瑞王惠王桂王第

國權

萬曆四十八年

三十一



頒詔朝鮮

趣治械甲

遣郵刑官分往京省

孫如游為禮部尚書衛一鳳為南兵部尚書何熊祥為南右

都御史

御史馮三元請預備經略曰今之遼東天下視以安危羽檄

徵兵飛芻輓粟水陸兼輸調募並用悉為遼也歲中財費几

何士馬物故几何進守僅一瀋陽而屯堡之侵克不與焉如

此用兵不下數年膏火自煎此立釐之術也兵貴善用謀耳

豈必待十八萬而後有為哉熊廷弼別有長慮非臣所知據

其引疾似亦強弩之末乞急簡才臣數人一旦有急可以取

資左右也

乙丑 上諭元妃郭氏才人王氏俱封皇后即謚

命朱國為禮部尚書兼東閣大學士直文淵閣以舊講臣 祚

特徵入

諭內閣加恩宮寮示部以名上


庶吉士李孫宸為編脩

免永順宣大山西通賦

國權

萬歷四十八年

三三



兵部尚書黃嘉謨善言前失事總兵麻承恩限納馬八百匹
軍千人劉孔胤納馬五百匹募兵八百人副總兵郭有光募
兵五百人俱赴遼贖罪限兩月報上否則議辟從之

總督兩廣許弘綱奏土官岑茂仁逆狀去年七月殺上林縣
土官黃德勳乞宣諭茂仁獻其印議削否且征之下兵部


丙寅工部左侍郎王永光請暫停浙直織造三運命續解京
巡按浙江御史彭鯤化請緩之不許

建虜侵蒲河熊廷弼往援旋犯瀋陽以川將周世祿往督諸
將策應敵退屯灰山攻之不出後二日從石碑山塔兒谷引

去已姚宗文希合毀詆紛紜之論遂起廷弼在遼詰戎固圉
殘疆為之色起建虜再入皆不得逞其所措置猶有方略可
觀餘人不能及也

丁卯命瑞王國漢中惠王國荊州桂王國衡州而荊州初封
遼王裔屬千餘人議者紛焉

先是永平道叅政袁應泰言本屬解京錢糧如紅棗稻皮榜
紙柴炭夫胖襖等項最為民病指勒抑沮萬歷四十五年稻
皮解役訴戶部代題改解遂免賠累餘可倣而行也至是巡
按直隸御史王象恒引稻皮之例凡該納內監錢糧俱戶部



轉發不報

遼東巡撫周永春請撫賞初萬歷四十三年虎墩鬼憨聚眾
挾賞邊臣議歲加三萬金即在遼餉內給之四十七年如額
今年春賞萬六千金七月索秋賞萬八千金故永春乞部全
給命議之

太常少卿姚宗文請葺郊壇許之

戊辰遣太常少卿祭各先臣姚廣孝于謙遣順天尹祭宋臣
文天祥

方從哲請上 端懿溫惠元妃郭氏昭肅恭和章懿才人王

氏徽號

颶風壞登萊漕船百餘艘溺米三萬九千餘石


兵科給事中魏應嘉以遼東巡撫周永春宅憂意欲道臣袁
應泰自代劾其私不報

已巳兵科給事中楊漣上言 聖躬違和之繇保攝萬安之

法太監崔文昇知醫不宜妄試 皇上覽之哀痛精神耗瘁

法宜清補文昇投劑相反遂令 聖體如此然則外間流言

曰興居無節侍御無節蠱惑必文昇藉口以蓋其悞藥之奸
耳如其有心則麈粉不足贖或其無心寧堪再悞 皇上何



尚置賊臣于肘腋間哉并祈 皇上召 皇長子同眾子承
顏于前以發天性之和如此自獲勿藥之慶矣及都督僉事
鄭養性疏懇天恩收回成命誠善安其保全 先帝之殊眷
于無已也 上是之從養性所請


禮部言 先帝山陵臣右侍郎孫如游工部左侍郎王永光
奉命同內監王秉乾巡視工科右給事中惠世揚御史薛貞
欽天監正楊汝常五官正劉文煥等詣 定陵已汝常以今
歲年神方向利塋臣等以 定陵規制就緒據寔奏從之
禮部言聖母啟遷祔葬欽天監擇今月之甲戌日 上命工

部左侍郎王永光往

庚午禮部言 昭肅恭和章懿才人王氏前祔郭妃園側奉
先帝聖諭令察墳園規模恐難祔葬命議之

雲南巡撫沈敬炳上言雲南貢金隆慶前額止二千隆慶四
年命增之以撫按之奏而止萬歷十年增千金亦以守臣之
言而止惟 皇上立沛德音盡行蠲免或解原額二千以救
危疆從之

虜酋銀定歹青合數千騎犯甘肅副搃兵薛永春等擊之斬
七十餘級



御史王安舜上養身六要曰養心曰養氣曰守中曰慎獨曰
主敬曰主靜報聞

諭刑部釋輕囚


恭順侯吳汝胤祭夕月壇通政使姚思仁分獻陪祭止六人
于是侍班御史張潑等言其怠玩今後預祭宜恪恭從之
大學士劉一燝韓爌同知經筵日講制誥及勘詳章奏

南京少詹事兼侍讀學士李騰芳為禮部右侍郎協理詹事
府同教習庶吉士南京祭酒孟時芳為少詹事兼侍讀學士
協理詹事府同侍郎顧秉謙纂脩國史右庶子錢象坤為少

詹事兼侍讀學士

召諸臣于寢殿初諸臣候安禮部奏冊封選侍李氏之期已
擇九月六日昨臣面承天語自當速行豈敢他議第前已奉
聖諭上 孝端皇后 孝靖皇后尊謚加封 郭元妃 王
才人尊謚論先後次序俟各典舉後及于選侍且元良重託
聖諭諄 似可轉移于先後之間矣

辛未召勲臣九卿科道諭曰鄭朕自東宮冒寒未痊節遇大
喪悲傷勞苦朕不用藥已二十餘日爾大臣毋聽小臣之言
諭優擢卹錄講讀侍書等官大學士方從哲等揭具侍班官



范謙李庭機曾朝節葉向高范醇敬周應賓唐文獻劉一焯
韓煥講讀官唐文獻焦竑鄒德溥郭正域全天叙蕭雲舉方
從哲袁宗道吳道南劉白亭馮有經董其昌黃輝楊道賓黃
汝良莊天合王圖趙師聖張邦紀公萬龔三益薛三省楊守
勤侍書官范可授茅聞詩羅萬英鄭崇光

諭開 定陵隧道工部言 定陵舊制完美其郭元妃園陵
以陰陽忌諱宜俟再卜從之


兵部尚書黃嘉善請增戍鎮江言遼東經略熊廷弼咨稱鎮
江外聯朝鮮內防寬輟中守鳳凰水陸之要亟宜防守自鎮

江至遼陽四百餘里宜設一道臣鎮之千額兵十八萬分二
萬聽其統練臣謹以聞

巡按雲南御史潘濬報平土司之

戶部請增山東司郎中一專理新餉命補主事楊嗣昌
諭選侍李氏封 皇貴妃

刑部奏熟審於疑改戍七十六人恩赦五百四十一人
工部左侍郎王永光請蠲浙直段價羨餘言賞夷段價舊制
每匹三金此正額也借名羨餘奸人每扣四錢工料豈能如
故應移咨浙江福建應天鳳陽各撫按緊蠲羨餘不許




奪酉陽土官冉躍龍新銜命即發兵援遼前躍龍以四千人
援遼至夷陵以疾還四川巡撫饒景暉劾之兵部尚書黃嘉
善以冉天胤雷安民先後出關兵三千六百人其子師行不
擾難掩其功第兵數多迺宜追奪躍龍指揮僉事仍勒限補
發赴遼 上從之

右諭德兼侍讀張萬請屯田略曰賑恤之法莫大于墾荒田
而廣屯種 皇上誠捐數十萬金賑畿南八郡而勸之耕又
捐數十萬金給寧前河西而勸之耕彼小民誰不各肆力于
南畝不半年而禾黍成熟人可飽此遼左持久用兵之長

策也

吏科都給事中范濟世請申懲貪酷略曰近年法度陵夷貪
殘接跡此其病在藉口憐才耳夫有才而戕民蠹國又何利
于若才而用之如鄭之范作令貪甚以小才遂及寬政迨守
開原復私放軍士致陷重城人顧惜之曰使可改圖誰見夫
節之婦晚以清白自見哉且今之求多者大約鄉科歲貢耳
甲科監司已為之地不使聞于直指即贓私狼狽怨讟沸騰
又多方為之解曰甲科也有才也僅一降調不二三年儼然
復其故物彼何憚而不恣肆哉今後御史叅貪酷吏下臣科



抄叅吏部行巡按御史訊之報可

呂邦耀為通政右叅議前河南按察副使趙拱極為南太僕少卿前太常少卿耿廷栢補南京前廣西右叅議何士晉為尚寶少卿故御史鄒德泳為尚寶少卿起丁懋為南太僕少卿

鄭以偉為左庶子署左春坊尋進少詹事教習庶吉士

壬申上召英國公張維賢及大學士方從哲劉一燝韓爌吏部尚書周嘉謨禮部尚書孫如游戶部尚書李汝華兵部尚書黃嘉善刑部尚書黃克纘左都御史張問達工部侍郎王

永光吏科都給事中范濟世御史顧慥等入乾清宮候御榻前上披赭袍馮几溫諭良久諸臣復問東宮起居上召東宮指示諸臣稱賀而退

遼東大旱飢御史左光斗上言宜如餉臣之請發花布截漕二十萬石以濟之庶可極急


刑科給事中魏應請嘉誅李如栢如楨并刺經略熊廷弼擁兵十餘萬不能斬賊擒王上功莫府而殃民感地不為建虜所笑哉

禮科左給事中李若珪請緩封選侍俟各大禮竣後不報

國權

萬歷四十八年

四



巡按直隸御史王象恒請核邊儲巡按直隸監察屯田御史
蕭毅中請墾荒俱下戶部

癸酉諭王才人祔葬陵園

郡臣候安于保寧門

命保定侯梁世勳祭歷代帝王廟


監生王應遴請脩大統歷前欽天監占驗不符先帝諭禮

部求善歷者故應遴及之

土星犯井宿東第二星

諭進文武職名


巡按雲南御史潘濬請加麗江土知府木增三品服俸從之
甲戌太子太保禮部尚書文淵閣大學士方從哲進少保戶
部尚書兼武英殿大學士賜金百坐蟒衣一從哲疏辭未下
上大漸有內啜以鴻臚寺丞李可灼進藥思善門已召英國
公張惟賢輔臣方從哲劉一燝韓爌尚書周嘉謨李汝華孫
如游黃嘉善黃克纘左都御史張問達給事中范濟世楊漣
御史顧慥問安訖上語多氣逆諭冊立選侍等事諸臣以
東宮對上因願皇長子命方從哲等輔導為堯舜之君
又語及壽宮從哲以先帝山陵對上自指曰是朕壽宮



從哲等俱曰 聖壽無疆何慮為 上趣之因問鴻臚官藥
安在從哲云未宜輕信不聽諸臣退可灼至診視具言狀
上悅命進藥從哲復出與御醫議之未決劉一燝曰吾鄉兩
人用此藥其一即愈孫如游難之諸臣方相視囁嚅隨呼乳
媪至趣和藥諸臣同入 上服訖喜曰忠臣忠臣諸臣出宮
門少頃聞聖意暢適思食各懼躍而退可灼及御醫留宮門
未刻可灼出輔臣問之云 上恐藥力少欲再進諸臣言不
宜驟而趣之急因再進諸臣問之云善如初
九月己刻^亥刻 上崩于乾清宮方召廷臣急趨候不及待矣

戊寅頒遺詔命 皇長子嗣皇帝位 上在位一月壽三十
九歲天啟元年九月 日葬于慶陵

葉向高曰自古帝王仁心仁聞洽于天下未有不須久道
而後成者必世後仁聖人言之矣乃 光宗貞皇帝在位
僅三旬升遐之日深山窮谷莫不奔走悲號何聖化之神
感孚若是之速也蓋 帝睿質夙成早親師傅養德青宮
已洞悉同四海之艱難故當 神皇宴駕時遺詔未頒德
音遽播大寶初嗣仁政沛施捐朽蠹而九塞飽騰撤狐蟲
而萬厯懽動政地廣股肱之助諫垣充耳目之司黃髮並



于公庭白駒不滯于空谷至于虛懷延接一月而三召臣
工銳意圖幾決旬而兩蠲稅額德意獨斷變理莫施其功
威權自攬轂御不忝其炳鑠乎盛矣乃其尤難者以何思
何慮之天處若危若疑之地冲齡出講已歷艱辛而容色
溫然而動止泰然內庭有苑枯之形若弗知也者外庭有
羽翼之檄若弗聞也者即冊立尋常事耳時而舉行時而
反汗大臣去小臣謹直何如動于耳目者而帝也有夔
夔無慄之潛之又潛巧間者不能窺善讒者不能中福
藩就國慟哭抱持張差發難帝侍神皇左右親傳睿


者曉諭百官群囂遂息所全寔多登極後即遵遺命進封
皇貴妃廷臣力爭竟不忍奪以戚晚哀請而後止毫不芥
蒂于前事也此即虞舜大舜何以加茲以舜之孝擴充之
仁然則帝之所以感動天心又自有在而非僅之更張注
措之跡者矣夫官天下者壽在令名家天下者壽在長世
神皇即不豫何難四十日留也使帝之出震未及而幹
蠱莫施天下之事將不可知則我國家無疆之祚皆帝
四十日之所延與

設遷曰 仁宗監國二十一年讒毀狎至 光帝青宮十

國權

萬歷四十八年

甲三




九年雖罹群疑而神祖懸注深為宗社慮固無俟商山之羽翼而今猶以臆見窺獨不覩毓德宮謁拜之序慈寧宮執手之情乎聖性惇博即位之始曲遵遺旨而遲回于貴妃之冊立繼立之善其誰曰不然聞在儲養嬪御稀少又震索受代乾飛乍躍內廷無軒龍之席諒闇多慘墨之容而一再臨朝天地摧裂仁宗趣駕于前而帝又加迅哀我人斯莫不涕慟究其所自或有微端仁宗之疾宿有虛喘光宗繼極之時萬靈呵護藥石未聞改日改旬而雲天之頌疇瘁莫支矣則誰為之耶天未厭禍大喪

三見求之往牒亦不屢邁鼎成之泣外臣往，至失聲感德悲遇傷哉蓋難言之也或曰帝而少延衡量人物高下在心黨事且立解洛蜀之爭玄黃之戰氣運繫焉即帝之懿鑠不能以磐石之基移漏刻之晷也

熹宗達天闡道敦孝篤友章文襄武靖穆莊勤愨皇帝御諱由校萬歷乙巳十一月十四日戌時生母才人王氏光宗皇帝之長子是歲庚申年十五

泰昌元年即萬歷四十八年
九月乙亥朔文武諸臣入臨乾清宮請見皇長子未出兵科




衆庶見乎種、舛錯往不可諫來猶可追追二三大臣加之
意耳

御史王汝舜言李可灼紅鉛之罪及謬薦輕賞者命奪歲俸
御史鄭宗周劾崔文昇包藏禍心乞下法司嚴鞠命司禮監
覈上降內官監奉御

戊寅御史左光斗請肅清宮禁曰內庭_廷之有乾清宮猶外廷
之有皇極殿也 祖宗以來惟皇帝御天居之惟皇后配天
得共居之其餘妃嬪雖以次進御遇有大故即移置別殿今
大行賓天選侍李氏非嫡非生儼居正宮而 殿下乃居慈

慶不得守几筵行大禮臣竊惑之且聞李氏侍 先帝無脫
簪雞鳴之德待殿下久無撫摩育養之恩此豈可以脫聖躬
者及今不早決將借拊養之名行專制之寔武后之禍立見
于今矣乞收回遺命速令移置別殿 殿下守喪次而庶几
成大禮吏部尚書周嘉謨等亦以為言曰 殿下年齡方茂
婚禮未成而蛾眉粉黛時混目前臣等望 殿下為宗社自
愛命李氏立徙仁智後殿已諭名封事既云尊卑難稱下禮
部再議

已卯建虜陷十三山寨是山不下三萬人山險上有小城建




虜先後來攻俱不下遂絕要害今自困至是夜攻之固守八
月外無救援可歎也

禮科給事中恭謙言大寶將登上有百靈呵護下有群工貞
擁戴亦何用此婦人女子而必加以尊祿為乎聞李氏非忠
誠愛國者宮闈之秘不敢妄疑而揭帖喧傳處心叵測萬一
封典得行事權或假則滌蔓難圖慎始慮終事似可已從之
錢謙益曰先帝之長主操心慮患猶不免入鄭李之彀
中况乎幼冲之君而付之婦寺之手乎女主專制群閹連
結豈第一忠賢議者不深維國家之大憂而徒懷婦人之

仁惋惜選侍于踉蹌出宮之頃斯已非矣漢時欲窮治趙
昭儀議郎耿育以為不當覆較省內暴露燕私宮使謗議
上及山陵自古事閹宮禁憂國奉公之臣劾而禍從扶持
邪說者往往竊經術依附長厚動以離間訐揚為詞幸則
為撤簾不幸則為移宮一成一敗何常之有萬歷之末指
翼儲為沽名天啟之初日移宮為生事讒夫懦臣異日同
喙此可為太息者也

設遷曰選侍侍先帝于乾清宮非禍處也不幸鼎革自
徙而避之第事須奉命何敢遽移彼婦人見淺未即以是




為請耳諸臣之議甚嚴動引武后為言豈其倫哉物論之
所以踏駁也

御史鄭宗周劾崔文升之罪言臣非謂誅一文昇遂足以伸
國憲而懲逆節第恐張差之後因有文昇尚然不問將奸人
得志又何所忌而不為也命謫奉御閑住

禮科左給事中李若珪以殿下正位即先帝之年當議
改元同朝謂明年正月朔為殿下紀元之始今年八月朔
至十二月斷宜借之先帝稱泰昌元年御史黃士彥曰春
秋隱公書元年春王正月解者曰凡人君即位其體元以居

故不書一年一月也若中歲改元使人君不得畢其數嗣君
不得正其初于義為不經先帝即位一月善政不勝書未
未改元脩史誰能隱之臣子乃于後改之是以過舉遺先
帝耳

浙江道御史左光斗言今距登極止一日矣攀髯之號一年
再見古事不載唐德宗改元凡三建中四年興元一年貞元
二十一年共二十六年德宗于貞元二十一年正月崩順宗
即位隔年改元永貞八月疾讓德太子明年為憲宗元和元
年然則史稱德宗二十六年蓋合永貞一年而永貞亦借貞




元之二十一年父子共為一年此其最較著者若今日之議
萬曆自四十八年泰昌繫以元年但史自八月一日前仍書
萬曆自八月一日後至十二月則書泰昌並行不悖古今通
行泰昌之于萬曆猶天啟之于泰昌也泰昌不忍其親則存
之天啟獨忍于其親則削之是陷 皇上于不孝也即不忍
于祖而于其父猶之不孝也忍于全泰昌之孝而不忍所以
全 皇上之孝是議者之過也
內監劉遜盧國相李進忠姚進忠江昇德鄭山王承福劉尚
禮盜乾清宮寶

御史馮三元言李可灼宜賞則不必罰既罰則不必賞今初
賞不聞議罰既罰不聞奪賞使賊臣揚言猶駕言于 先帝
不可救之疾而逃其誕妄之誅也數日之間作此舉動大駭
人心如可灼重則當斬輕則當竄僅罰俸何以令天下詔後
世乎

庚辰 上即皇帝位于皇極殿詔以明年為天啟元年大赦
天下


辛巳左諭德張萬上十事養身養性勤學敬天法祖親賢納
諫信令恤民持體 上是之



壬午工科右給事中惠世揚劾方從哲十罪獨相七年妨賢
妬能罪一驕蹇止禮失悞哭臨罪二撻擊青宮庇護黨奸罪
三恣行胸臆破壞絲綸罪四縱子殺人蔑視憲典罪五沮抑
官僚蔽塞耳目罪六陷城失律寬議撫臣罪七馬上催督致
喪失師罪八狗情妄上鼎鉉貽羞罪九代營諸稅蠹國殃民
罪十狗鄭貴妃無君者一李選侍為鄭氏私人麗色藏奸且
夤緣近幸欺抗 聖母為臣子不共戴天從哲受其美珠必
欲封貴妃無君者二崔文昇輕于用藥代擬脫罪無君者三
上以輕詆責之

癸未御史張潑言連日以來所獲大璫半鄭貴妃之私人否
則李選侍之近倖也中外謂選侍素仇于 聖母 先帝誤
藉付託為冊封之地流言徧布臺諫始不得不慷慨言事矣
丁亥上 皇端皇后尊謚曰孝端貞恪莊慈仁明婉天毓聖
顯皇后上 皇祖妣溫肅端靖純懿皇貴妃曰孝靖溫懿敬
讓貞慈參天亂 聖皇太后頒詔天下


禮部上言帝統必不可遺世系必不容紊 先帝升遐之日
猶存萬歷庚申之年而明歲改元之期即為天啟辛酉之始
似乎萬歷之後天啟繼之而泰昌年號虛而無寄矣然 神



宗之統則傳之 先帝也 皇上之統則受之 先帝也上
尊謚則有廟號脩寔錄則有徽稱倘非繫以泰昌則繼萬曆
而開天啟者屬之誰乎會議與臣部符同者十居八九伏乞
聖斷勅天下自八月始至十二月終俱為泰昌元年從之
浙直織造太監呂貴引疾命太監李寶代之
遼東總兵李如柏聞逮自經李如楨下刑部獄

戊子刑部尚書黃克纘言近侍曹應魁奏郭春女同心腹劉
遜等進 先帝五百金求封 皇上與之看管等語宮闈事
秘臣不敢知但思 先帝何如主哉不為財利動心臣民所
共仰也其以 皇上命李氏看視蓋因生男女數胎又生第
四 皇子 先帝與閣部諸臣言之如曰進銀則其事影響
况形之章奏使 先帝冒不白之疑哉又王才人誕育 聖
躬今陳槐王昇爭認皇親外人難以臆度當 聖母未崩時
豈不與 皇上言之若以母家至親使他人冒享富貴恐人
子之心有所不安也

戊戌御史賈繼春上書輔臣曰新君御極之初首勸 皇上
以違忤 先帝逼逐廢母表裡交構羅織不休如李選侍之
事其慘闇光景傳聞紛 職不忍言昔 敬皇帝之于昭德



宮萬貴妃也人言嘖嘖而付之不聞我先帝之于鄭貴妃也三十餘年天下所共側目但篤念皇祖渙然冰釋何不輔皇上取法而乃作法于涼乎

已亥昧爽赤氣映天如赭良久始散

御史左光斗言初一日公疏肅清宮禁初三日移宮初六日登極駕還乾清宮皇上既已還宮則選侍移宮之後自當存以大體捐其大小過若復株連蔓引使宮禁不安亦非臣等建言之初心也

給事中魏應嘉劾熊廷弼之罪命罷廷弼聽勅


辛丑諭內閣曰朕昔幼冲時皇考選侍李氏恃寵屢行氣毆聖母成疾崩逝使朕有寃難伸皇考疾篤大臣問安選侍咸挾朕躬使傳封皇后復用手推朕至今尚含羞赧因避毒惡暫居慈慶宮李氏又令李進忠劉遜等傳每日章奏先奏我方與朕覽仍即日要垂簾聽政朕思祖宗家法甚嚴未有此制朕今奉李氏熾鸞宮仰遵皇考遺愛無不體悉其李進忠田詔等皆盜庫明確自干憲典豈謂株連法當首論

兵部尚書黃嘉善罷

國權

萬歷四十八年

五十一




十月丁未袁應泰為兵部右侍郎經略遼東應泰受事極意振
作撫順則總兵賀世賢李秉誠張良策尤世功童仲揆等統
兵五萬以邢慎言高出監其軍清河則總兵侯世祿梁仲善
姜弼等統兵三萬以牛惟曜監軍寬輿則總兵劉光祚統兵
二萬以胡嘉棟監軍遼陽則總兵劉孔胤部兵一萬瀋陽蒲
河亦各屯兵一萬奉集堡七千以總兵祁秉忠統之經制頗
密但廷弼號令嚴明降夷分配有法犯則必誅應泰仁柔納
賀世賢用夷之說聚降夷城中多縱肆虐民遼苦之
丁巳南御史李希孔上言崔文昇以誤用藥致先帝弥留

夫以洞瀉之藥療虛怯之證其為故不為誤又復何疑 皇
上孝治天下不以明正典刑豈中涓有狐兔之情獲此奸賊
抑執法有投鼠之忌漏此大辟敢惟 皇上勅法司明正其
罪而亂賊亦知儆于萬一矣

戊午上 大行皇帝尊謚曰崇天契道英睿恭純憲文景武
淵文仁懿孝貞皇帝

庚申命禮部尚書孫如游兼東閣大學士直文淵閣
祭亥雷

甲子御史賈繼春安伸田珍以孫如游中旨突傳非故事也



乞收回成命不聽

崔景榮為兵部尚書

丁卯噦鸞宮災

孫慎行為南禮部尚書

旌江西南城人吳煥五世同居

己巳上 恭靖端懿溫惠郭元妃尊謚曰 孝元宣懿哲惠

莊仁合天弼聖貞皇后 昭肅恭和章懿王才人尊謚曰

孝和恭獻溫穆徽光諸天鞠聖皇太后

辛未命編修劉鴻訓給事中張國祥使朝鮮

十一月壬午內犯王永福劉進忠鄭穩山劉尚禮姜昇劉遜命

棄市盧國相趙進忠戍邊

辛巳有虎二寬長竟天見于東北方

癸未福建布政司火


己丑夜子刻月食

庚子有寬一見于西北方

十二月甲辰朔諭 皇考諭傳王昇原繫皇親陳槐冒認仍着

議罪

丙午諭選婚京畿命太監王之元南京淮鳳徐州河南命太



監劉克敬楊舜臣北直山東命太監李寶馬鑑


南御史王允成上言保身保治之要慎防範壯維城慎內旨
謹稟擬杜旁落嚴部覆防廉耻接群臣戒倦心上是之

丁未夜西北赤氣如火

庚戌諭朝臣九月朔 皇考賓天廷臣哭臨請朝選侍阻朕
于煖閣暨出閣又使李進忠請回者再朕至乾清宮進忠又
牽衣不放若非司禮請前朕又不能出見大臣矣朕視 皇
考入殯又阻朕于煖閣司禮三請乃出初三日朕朝見選侍
畢恭謁梓宮于仁智殿又欲朕再朝方許回宮扈從廷臣皆

所親見明是威挾朕躬垂簾聽政之意朕蒙 皇考派在選
侍照管凌虐更甚朕晝夜涕泣 皇考自知其悞勸朕 曾
秘諭閣臣若避宮不早朕亦不知何如矣父母之仇不共戴
天朕不加選侍封號以慰 聖母在天之靈奉養選侍優厚
敬遵 皇考之遺意

壬子御史王業浩上言恭讀 聖諭情詞微有可酌夫一選
侍也昔為寵嬪今乃馬婦人耳當噓驚宮之一炬而已堪憐
矣而舉朝尚有煩言願 陛下靜思者一所云派與照管併
毆崩等語天下後世不察則 先帝御家之盛德不無少損



且曉人何必至此願 皇上之慎重者二 聖母篤生 聖
躬正位素定何至以房闈之細橫來批頰之亮在選侍則死
有餘辜在 聖母則生豈妬寵臣願 皇上斟酌者三疏入
留中
孫慎行為禮部尚書

戊午刑部尚書黃克績上言臣問王永福有成四人乞恩貸
因是日盜寶八人監故二人論斬三人充淨軍四人亦可以
正法矣臣疏明言選俟接 聖母不恭遇 皇上失禮亦足
以盡其夫必欲邀恩于 皇上者推 先帝之遺愛父子之

間人所難言而深言之則不能無罪耳

周應賓為南禮部尚書命給事中姚宗文往遼東勸熊廷弼
經制虛實

鄒元標為刑部右侍郎

崔文昇成孝陵


雲隴州平段進忠既弒其主而愈猖縱偏州官殺掠亡美將
勦之進忠急從間道至龍尾關守臣誘入擒之散其黨數百
人疆理其地定賦稅

壬戌御史焦源溥上言 先帝御極之初遂傳 皇祖封后

國權


萬歷四十八年


五十六




國家圖書館, NATIONAL CENTRAL LIBRARY, TAIWAN, R.O.C.

之命及不可得而治容進矣張差之棍不靈則投以麗色之
劍崔文昇之藥不速則促以可灼之丸 先帝欲諱言進
御遂甘蒙不白之冤 皇上獨不動念乎疏入留中 之事






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.

3393432 v.49





國權

辛酉元年天啟

正月癸酉朔大風雪諭孫如游出視事

丙子追謚先臣兵部尚書伍文定忠襄南刑部右侍郎吳悌

文莊右僉都御史魯穆端毅楊繼宗貞肅石城所吏目鄒智

忠介大理卿陳恪簡肅尚寶司少卿孟秋清憲御史劉臺毅

忠兵部尚書毛伯溫襄懋吏部左侍郎張元楨文裕左諭德

張元竹文恭南禮部尚書陶承學恭思太常少卿魏良弼忠



國權

天啟元年

一



國家圖書館, NATIONAL CENTRAL LIBRARY, TAIWAN, R.O.C.




簡吏部右侍郎趙用賢文毅刑部右侍郎張翀忠簡右副都御史張文錦莊愍南兵部右侍郎李盛春恭貞工部尚書劉東昌莊靖禮部右侍郎唐文恪戶部右侍郎張養蒙毅敏兵部左侍郎許孚遠恭簡戶部主事周天佐忠愍戶科給事中楊允繩忠恪錦衣衛經歷沈練忠愍南吏部尚書曾同亨恭端鴻臚寺卿張朝瑞靖恪五官監候楊源忠懷兵部右侍郎魏允貞介肅戶部左侍郎郭惟賢恭定左都御史溫純恭毅兵部尚書王遴恭肅工部左侍郎王汝訓恭介吏部尚書蔡國珍恭靖禮部尚書馮琦文敏兵部尚書李化龍襄毅

吏部尚書孫丕揚恭介禮部右侍郎劉日寧文簡郭正域文毅南戶部尚書雍泰端惠吏部尚書畢鏘恭介刑部尚書趙參魯端簡王之誥端襄兵部尚書張佳胤襄憲南刑部右侍郎余懋學恭穆光祿少卿馬卿忠憲霍州學正曹端靖脩江西副使李夢陽景文陝西右叅議賀欽恭靖右副都御史姜洪莊介兵部武選郎中黃鞏忠裕南吏部尚書汪宗伊恭惠戶部尚書林泮恭清吏部右侍郎楊起元文懿南工部右侍郎江治恭恪右副都御史李中莊介脩撰楊慎文憲吏部尚書裴應章恭靖吏部左侍郎盛訥文定禮部尚書曾朝節文

國權 天啟元年

二



恪南禮部尚書黃鳳翔文簡南刑部右侍郎沈節甫端靖南
工部尚書劉一儒莊介祭酒傅新德文恪太常少卿周怡恭
節南吏部尚書郎中莊景文節刑部左侍郎王宗沐襄裕右
僉都御史張允濟介穆刑部右侍郎李崇恭懿戶部左侍郎
董堯封恭敏湖廣按察使僉事馮應京恭節禮部右侍郎教
文禎文穆

戊寅給事中孫國禎上言上之所操以磨勵天下曰賞與罰
今賞罰何也使臣下莫敢憑進退兩止據何不于視朝之
暇召見廷臣曉然示威福之出于已曰某簡用某斥逐以塞
天下揣摩之路召對之典不可須臾得也 聖祖培養人才
半為四明東林所耗今其波少息矣及今共養和平之福莫
生枝節安分畛域也


已卯諭發帑五十萬濟邊餉

癸未御史馬逢臯以楊漣疏移宮始末而去功罪未明因曰
先帝疾革而言選侍之封當緩科臣李若珪也 先帝賓天
而入宮呼萬歲執 皇上左右手者輔臣劉一燝英國公張
惟賢也上移宮公疏者周嘉謨張問達等也上專疏者左光
斗也上急移宮以待御極者楊漣也其後相繼有疏惠世揚

國權

天啟元年

三




等也如以為功則不獨一楊漣如以為罪亦不獨一楊漣今
罪人未誅而急發罪璫者先作楚囚之泣 聖躬初安而護
聖躬者已歎江上之容漣當此日止有決去以明人臣節耳
皇上亦聞出城之後物情竟何如耶豈徒訪戴盡欲識韓臣
不識漣何以得此于人哉 上以楊漣忠直朕所鑒知暫予
病告

丙戌給事中蔡思充上言唐元和李道古薦方士柳泌合長
生藥誤憲宗柳泌伏誅道古坐貶今李可灼揚、畫錦綱紀
凌夷莫此為甚不斬李可灼并罪所屬之人於昭之靈必有

餘恫矣

辛卯御史張慎言上言張差挺擊青宮幸宗社有靈萬一中
其副車將柁之何迨夫東宮告變此且何如震聳乃方從哲
票若尋常于是承風旨者遂以風顛結案矣此一獄也若引
繩批根宮闈骨肉之間大獄將興當群議沸騰 神宗頃刻
而御慈寧召百官棄張差于市斃龐劉于公宮使群臣不得
質一詞士師無所措其手偉哉廟號 神宗不虛矣故不窮
究黨與者所以令父子之情然亦必摘發奸謀者亦政以明
君臣之義而陸大受王之案李倬必以考功法中之諸臣之



意何君乎從哲秉國之均而乃令至此也


壬辰御史方震孺言張差一案近議紛々善處骨肉之間者不可無調停之法然不當曰已調停而遂疑挺擊之奸化為烏有謂發奸者盡屬小人也王之寀誠非高吕然察典自有處法而中旨奪其勅命可乎陸大受之任撫州几于飲露而必處于隔歲之後可乎至于李倖禁錮又為甚竒即云不剪元良之羽翼乃不幸而有其迹矣

大學士方從哲免

二月癸卯朔安南遣陪臣阮世標阮洪來貢

給事中毛士龍上言自張差之變作諸臣以攻差者為東朝之黨夫東朝而可言黨乎即黨亦是四皓之擁護寧為江充之開衅乎自後巧蔽風顛今批鱗之直竄迹蠻烟語言之微併危虎視至今陸大受等天下知其功即 皇上亦不深其罪而韓浚等鍛鍊以為罪或掛神武之冠或墮九原之淚是功罪之反也

甲辰御史方震孺上言登極一詔凡所建言諸臣用存恤政案見天日而殷憂 先帝竟龍馭之難追九廟有靈幸不危于青宮之挺而折肱無驗及速禍于肘腋之奸使萬年有道



之 聖躬僅為一月太平之天子此敷天共禱願 皇上念
之而惕然也


乙巳遼東見日暈兩旁如月

丙午御史賈繼春言具揭閣臣以望其母女之保全而止蓋
念冲 聖御極之始慈祥當從折柳先防威福莫向中涓送
却耳 上以箝制朕躬要名減罪責之

御史張慎言上言當鼎湖再泣偶值選侍乾清天子避席此
時 宗廟之鼎鬯為重則 先帝之簪履為輕所以有周嘉
謨楊漣左光斗之疏也于時即 神廟之鄭妃貴且先徒以

為望矣而閭闔弘開冕旒快觀此時高呼而慶 皇上之龍
飛遂亦不覺愴焉而痛几筵之羊棗光景風聞悽然動念所
以賈繼春具揭于閣臣也

御史高弘圖上言楊漣賈繼春同屬耳目之臣當宮禁危疑
之際決策于呼吸即繼春未嘗不以漣為功安選侍之說起
于移宮之後因乾清為至尊所履仁壽亦處優之地不妨于
有是移 而左右未免爰涼傳聞復有舛謬繼春所以有安
選侍之說即漣亦未嘗以繼春為非也乞勅繼春履任而漣
召還朝其進退益光矣 上責慎言弘圖借調解而名實背



公植黨俱罰俸三月

辛亥御史方震孺請省議論一國本一案次則門戶之說東
林之中原多依草附木然不當因不肖以及賢如清泐之葉
茂才朱世守經濟之董應舉趙南星勁挺之魏雲中馬蓋禎
淨潔之高攀龍劉策練達之李邦華苦節之鮑應鰲劉宗周
有何罪而錮之終身耶又其次則移宮之事公道不彰群疑
愈熾同官馬逢臯所以請會議也楊漣之去就寔繫 聖躬
乞早賜召對以釋群疑 上許之
壬申四方黑雲風起西北如雷

又二月癸酉朔吏部尚書沈應文罷

丙子刑部會訊楊鎬李如楨論死

戊寅大風霾御史魏光緒言 先帝以長君當立而無端燕
啄 皇孫奸人構煽妖書之事恨不從心挺擊之謀作矣王
之窠明白入告置之察典李倅駁正叅語勒令致仕陸大受
張庭上疏告變其後庭憂死而大受以許處此忠義所以感
憤不平也


丙戌封王昇新城伯祿千石

丁亥大學士孫如游罷

國權

天啟元年

七



癸巳孫瑋為南吏部尚書

丁酉昭和殿災


辛丑 上責賈繼春以違忤逼逐輕汚朕躬捏造李選侍雉經 皇八妹入井之罪輔臣申救命削籍

三月癸卯朔浙江巡按御史彭鯤化乞添中式三名

乙卯建虜攻瀋陽監軍高出屯黃山不進總兵尤世功賀世賢力禦之李永芳遣人遺書招賢^降世賢斬于陣上火其書持鉄簡禦南門外力疲退入敵從之城遂破總兵尤世功陳策童仲揆管糧同知陳輔光自在知州展段皆死之世賢從西

門遁先三日袁應泰檄各將犄角應援總兵姜弼朱萬良軍渾河外俱不戰獨四川石柱土官秦邦屏秦將張神武游擊周世祿等力戰兵半濟河敗其白標黃標最後紫標益眾四面圍之川兵飢疲八千人無一免者總兵張名世戚金在河南亦戰沒是役也敵兵亦為奪氣川兵名始重

丁巳袁應泰聞瀋陽陷急促各路兵守遼賀世賢屯立木山當華夷之界應泰手書自咎失策非將軍之罪使賢^世往夜至長勇堡遼人疑西虜也遂舉烽世賢駭遁自後遼城陷世賢無所歸為其眾所殺應泰之收降夷餉司傅國揭爭之遂相



左至是檄餉司令給各兵三月餉并預支四月又犒二金其
虎旅軍加月餉六錢餉司以潘陽逃死各半為詞稽實未與
已未給事中朱童蒙郭鞏各糾劉一燾黨庇熊廷弼
庚申袁應泰引兵渡渾河設伏留川兵守城夜宿城樓各道
以令箭撤所伏兵建虜遂徑渡太子河

辛酉建虜攻遼城初能廷弼深溝峻塹按伏其內未易攻敵
厚木為盾居前後排弓矢小車載土繼之俟我砲盡即發矢
如雨隨令土車填塹後人馬盡甲戴鉄面具來攻袁應泰
奉賜劍趣戰擊敵于教場殺傷甚衆時朱萬良以贖罪自效

遂戰死

壬戌袁應泰令傳繫給士敵突犯西門督虎旅軍卻之訛傳
敵已入城監軍高出牛惟曜出走人心遂亂敵復縛草人于
木牌前徧城以竭我力晡時諸將各離伍砲久燃藥發守兵
驚亂


癸亥昧爽城陷袁應泰佩劍印自經城東樓僕唐世名舉火
焚樓死監軍何廷魁沉妾女于井而自縊監軍崔儒秀亦自
經御史張銓坐署中不屈死之

乙丑遼東牛莊民亂相殺

國權

天啟元年

十



丙寅起高攀龍光祿寺丞趙南星太常少卿熊廷弼兵部右侍郎

戊辰虎墩鬼慙膺賞

發帑金百萬濟邊

贈左都督劉綎少保五軍少保左都督各廕本衛指揮僉事立祠予祭墓杜松贈少保左都督世本衛正千戶立祠予祭墓趙孟麟馬林各復官贈三級從祠潘宗顏贈光祿卿世錦衣百戶立祠董爾礪贈按察僉事廕子入監餘贈恤有差

四月壬申朔月食

李宗延為右僉都御史協理戎政


丙子以薛國用為兵部右侍郎經略遼東王化貞為右僉都御史巡撫遼東卑自嚴為右僉都御史駐天津王國禎為右僉都御史駐通州

初建虜遣降人運糧通判黃衣蟒服從騎至廣寧招降監軍王化貞殺之以聞且請撫虎墩鬼慙三十六營炒化二十四營為聲援朝廷壯其言遂授巡撫是時群情懼怯以化貞侃侃言事謂能勝厥任化貞撫諭諸部虎墩鬼慙使腦毛大孫桑阿思寨來申盟約即北關也化貞以北關忠順宜協力

國權

天啟元年

十一



同仇厚賞之炒化及卜歹青諸營並遣使通好各議加歲賞設誓而去

庚辰遼東總兵李光榮奏建虜測河謀內侵

癸未南工部尚書丁賓致仕

甲申逮監軍高出御史徐景濂乞并罪逃臣牛維曜胡嘉棟

丙申遼東經略薛國用免

戊戌大婚冊張氏為 皇后禮成之後客氏悼后文明誣后

為重犯孫止孝之女御史游士任糾之客氏銜恨

己亥贈張銓大理寺卿贈光烈廕錦衣指揮僉事立祠予祭

葬僉事崔儒秀副使何廷魁俱贈光祿寺卿廕錦衣千戶予

祭祠餘各有差

立良妃王氏純妃段氏

五月丙午勅召熊廷弼曰朕惟爾經略遼東一載威懾夷首力

保危城後以播煽流言科道官風聞糾論勅下部議聽令回

籍朕尋悔之遼陽淪陷隳爾前功爾當念 皇祖環召之

恩今朕冲年邁茲外患勉為朕出籌畫安壤其前日叱御前

來庶見君臣始終大義

戊命申內織染局下蘇杭織造

